

MAMBO YA KUZINGATIA KATIKA KUWAHUDUMIA WAVIU WALIOPO KARANTINI AU WALIOTENGWA

UJUMBE KWA MTOA HUDUMA ZA AFYA

Nini Maana ya Karantini?

Karantini ni sehemu maalumu iliyotengwa kwa ajili ya wahisiwa wa ugonjwa wa Corona, inawezakuwa nyumbani, hotelini, hospitalini n.k. Lengo ni kuzuia maambukizi kwa wengine. Mhisiwa wa ugonjwa wa Corona atakaakarantini kwa siku 14 na endapo hatonyesha dalili ataruhusiwa kurudi kwenye jamii.

Nini maana ya Kutengwa?

Hiki ni kitendo cha kuwatenga waliothibitika kuwa na maambukizi ya ugonjwa wa Corona na kupatiwa huduma za matibabu hadi dalili za ugonjwa zitakapo isha.


Nini faida au lengo la Karantini na Kuwatenga

Lengo ni kuwapatia huduma na kuepusha wasiambukize watu wengine. Vitendo vyote vina faida kwa kuwa vinasaidia kuzuia kuenea kwa virusi vya Corona.

Kumbuka: Karantini na Kutengwa si unyanyapaa bali ni sehemu ya huduma na kujilinda na kuwalinda wengine wasiambukizwe. Karantini ni siku 14 kutengwa inategemea kupona kwa MVIU hivyo hizi ni siku nyingi kwa MVIU kukosa ARV na dawa zingine

MAMBO YA KUFANYA

1. Hakikisha unatoa ushauri nasaha kwa mteja ili awe wazi kwako kuhusu hali yake ya maambukizi ya VVU na magonjwa mengine mbali na Corona
2. Muulize inatibiwa Kliniki gani na iwapo ana kadi yake na ARV
3. Hakikisha mnapanga utaratibu wa kumpatia ARV zake na namna ya kuhakikisha anatumia kama mlivyokubaliana
4. Iwapo anakidhi vigezo hakikisha anapata ARV za kutumia kwa muda wa miezi mitatu
5. Hakikisha MVIU anapata dawa zingine anazotumia na kuzitumia kama alivyopangiwa
6. Ongea na MVIU kuhusu wasaidizi wake wa tiba au Mtandao wa WAVIU iliaendeleo kuwasiliana nao kwaajili ya ushauri na faraja
7. Toa ushauri nasaha kwa MVIU ili kufanya upimaji wa VVU wa ufuatiliaji wa watu alio na uhusiano nao kibaolojia, kingono au waliotengwa pamoja



Jikinge, Wakinge Wengine CORONA INAZUILIKA
Wizara ya Afya, Maendeleo ya Jamii, Jinsia, Wazee na Watoto
Mpango wa Taifa wa Kudhibiti UKIMWI (NACP)

